



Broj: 03-49-3104-2/21
Bihać, 23.07.2021. godine

Na osnovu člana 8. stav 1., člana 64. stav 1. tačka b), člana 70. st. 1, 3. i 6. Zakona o javnim nabavkama („Službeni glasnik BiH“, broj 39/14) i Pravilnika o postupku dodjele ugovora o uslugama iz Aneksa II dio B Zakona o javnim nabavkama („Službeni glasnik BiH“, broj 104/14), Plana nabavki Zavoda zdravstvenog osiguranja Unsko-sanskog kantona za 2021. godinu (broj: 01-49-2993/21 od 21.05.2021. godine), Zapisnika o pregledu i ocjeni ponuda po Javnom pozivu za nabavku zdravstvenih usluga primarnog i sekundarnog nivoa zdravstvene zaštite iz obaveznog zdravstvenog osiguranja za 2021. godinu broj: 03-49-3104-1/21 od 24.06.2021. godine i Odluke Upravnog odbora Zavoda o davanju saglasnosti na provedenu proceduru ugovaranja zdravstvenih usluga broj: 01-37-4159/21 od 22.07.2021. godine, direktor Zavoda zdravstvenog osiguranja Unsko-sanskog kantona donosi

ODLUKU

Član 1.

Prihvataju se ponude ponuđača po Javnom pozivu za nabavku zdravstvenih usluga primarnog i sekundarnog nivoa zdravstvene zaštite iz obaveznog zdravstvenog osiguranja za 2021. godinu broj: 03-49-3104/21 od 28.05.2021. godine, i to kako slijedi:

Lot 1.	Zdravstvena zaštita primarnog nivoa – osigurana lica – Bihać	ZU Dom zdravlja Bihać
Lot 2.	Zdravstvena zaštita primarnog nivoa – osigurana lica – Bosanska Krupa	ZU Dom zdravlja Bosanska Krupa
Lot 3.	Zdravstvena zaštita primarnog nivoa – osigurana lica – Bosanski Petrovac	ZU Dom zdravlja Bosanski Petrovac
Lot 4.	Zdravstvena zaštita primarnog nivoa – osigurana lica – Bužim	ZU Dom zdravlja Bužim
Lot 5.	Zdravstvena zaštita primarnog nivoa – osigurana lica – Cazin	ZU Dom zdravlja Cazin
Lot 6.	Zdravstvena zaštita primarnog nivoa – osigurana lica – Ključ	ZU Dom zdravlja Ključ
Lot 7.	Zdravstvena zaštita primarnog nivoa – osigurana lica – Sanski Most	ZU Dom zdravlja Sanski Most
Lot 8.	Zdravstvena zaštita primarnog nivoa – osigurana lica – Velika Kladuša	ZU Dom zdravlja Velika Kladuša
Lot 9.	Stomatološko-specijalistička zdravstvena zaštita	ZU Dom zdravlja Bihać i ZU Dom zdravlja Cazin
Lot 10.	Zdravstvena zaštita sekundarnog nivoa – nivo kantonalne bolnice	ZU Kantonalna bolnica „dr. Irfan Ljubijankić“ Bihać
Lot 11.	Zdravstvena zaštita sekundarnog nivoa – nivo opće bolnice	Opća bolnica Sanski Most
Lot 12.	Zdravstvena zaštita sekundarnog nivoa – fizikalna medicina i rehabilitacija	ZU Lječilište Gata Bihać
Lot 13.	Zdravstvena zaštita sekundarnog nivoa – javnozdravstvena djelatnost	ZU Zavod za javno zdravstvo USK-a

Član 2.

Zavod će na osnovu Odluke Upravnog odbora Zavoda o davanju saglasnosti na provedenu proceduru ugovaranja zdravstvenih usluga broj: 01-37-4159/21 od 22.07.2021. godine zaključiti ugovore sa izabranim ponuđačim iz člana 1. ove Odluke u skladu s članom 98. stav 2. tačka a) Zakona, za 2021. godinu.

Član 3.

Za izvršenje ove odluke zadužuje se Stručna služba Zavoda.

Član 4.

Ova odluka objavit će se na web-stranici zzousk.ba istovremeno s upućivanjem ponuđačima koji su učestvovali u postupku po javnom pozivu, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja, i ista je sastavni dio dokumentacije o provedenom postupku.

Obrazloženje

Postupak po javnom pozivu za ugovaranje pružanja zdravstvenih usluga pokrenut je u skladu sa Planom nabavki Zavoda zdravstvenog osiguranja Unsko-sanskog kantona za 2021. godinu, Odluke o pokretanju postupka ugovaranja zdravstvene zaštite za 2021. godinu broj: 01-49-2994/21 od 21.05.2021. godine te Javnog poziva za nabavku zdravstvenih usluga primarnog i sekundarnog nivoa zdravstvene zaštite iz obaveznog zdravstvenog osiguranja za 2021. godinu.

Postupak je proveden po osnovu članu 8. Zakona o Javnim nabavkama i Pravilnika o postupku dodjele ugovora o uslugama iz Aneksa II dio B Zakona o javnim nabavkama .

Poziv za dostavu ponuda za realizaciju Programa zdravstvene zaštite iz obaveznog zdravstvenog osiguranja za primarni i sekundarni nivo zdravstvene zaštite za osigurana lica Zavoda u 2021. godini objavljen je na web stranici ugovornog organa dana 28.05.2021. godine.

Komisija za provođenje postupka ugovaranja zdravstvenih usluga imenovana je Odlukom direktora Zavoda broj: 03-49-3000/21 od 24.05.2021. godine.


Komisija za provođenje postupka ugovaranja zdravstvenih usluga je blagovremeno i pravilno izvršila otvaranje ponuda i ocjenu pristiglih ponuda, o čemu je sačinila odgovarajuće zapisnike, u kojima je utvrđeno da je za realizaciju programa primarne i sekundarne zdravstvene zaštite:

- za lotove 1 – 8 i 10 – 13 primljena po jedna ponuda (za svaki lot);
- ukupan broj pristiglih ponuda za Lot 9 – 3;
- blagovremeno zaprimljene sve ponude;
- nije bilo neblagovremeno zaprimljenih ponuda;
- sve primljene ponude su prihvatljive i ispunjavaju uvjete tražene Javnim pozivom, u ovisnosti od obima i kompletnosti pružanja zdravstvene zaštite, s izuzetkom ponude ZU Dom zdravlja Velika Kladuša za Lot 9. Naime navedeni ponuđač je dostavio ponudu za Lot 9 za pružanje usluga iz djelatnosti ortodoncije, gdje je prilikom ocjene ponude utvrđeno da ponuđač ne ispunjava kadrovske uslove potrebne za navedenu djelatnost, zbog čega ponuda navedenog ponuđača nije potpuna i kao takva nije mogla biti prihvaćena.

Evaluacijom ponuda je utvrđeno da su ispunjeni svi formalno-pravni i tehnički uslovi po Javnom pozivu, te je i Upravni odbor Ugovornog organa shodno svojim nadležnostima na sjednici održanoj dana 22.07.2021. godine donio Odluku broj: 01-37-4159/21 kojom je dao saglasnost na provedenu proceduru ugovaranja zdravstvenih usluga primarnog, sekundarnog i dijela tercijarnog nivoa zdravstvene zaštite za područje Unsko-sanskog kantona. Iz navedenih razloga, primjenom člana 64. stav 1. tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



DIREKTOR

Almir Lipovača, dipl.ecc.

Dostaviti:

- Svim ponuđačima,
- Web stranica Zavoda,
- U spis
- a/a